

三才圖會

三才圖會

雲間兄明父王思義續集

珍寶一卷

南北珠 金屑 生金 銀屑 生銀 珊瑚

生鐵 鋼鐵 柔鐵 白羊石 鉛 錫

青琅玕 丹砂 空青 曾青 水銀 自然銅

玉 玉屑 石綠 長石 雄黃 雌黃

雲母 石鍾乳 礬石 黑羊石 消石 滑石

石膽 禹餘糧 白石英 紫石英 赤石脂 白石脂

無名異 石中黃子石 硫黃 石膏 磁石 玄石

陽起石 凝水石 石鱗 密陀僧 桃花石 玄精

石蛇 礬石 砒霜 碇石 石鷲 金牙

金星石 銀星石 薑石 麝黃石 花乳石 不灰木

錢圖上

# 南北珠圖

寶珠	鼠頭	天生子	胡蘆	盒盤	蓮子身	珠丹	古鼓	阿勝
披肩 直見	雪花	腰膝 勒紅	粉紅 斷紅	鮮眼	杵頭兒	泥心	骨色	鹿身兒
藏瓶兒	燕辭座	一福兒	龍眼	鬼眼睛	三星	粉白皮	雙星	披丁肩 鼓槌鑽
一株兒 古鑽	此珠兒	身分	千顆	爲率	一錢	二錢	三錢	四錢
五錢	六錢	七錢	八錢	九錢	一兩	一分	二分	三分
四分	五分	六分	七分	八分	九分	十分	此珠身分圓者約其大綱	

二下 圖 會 卷 八 一 參 考 一 表

二

凡看北珠顏色須是看訖閉目再閃看顏色一同方爲驗也其珠青者亦如暑末秋初乍雨還晴雲綻處閃出青天帶白雲中現出青天此青係真色第一其青不用深青只要白包青籠罩乃嫩青也其珠青只如在頂上蓋者不披青至頂下者謂之摩孩羅兒頂青也其青若至腰下至竅眼謂之轉身青爲第一腰上青者謂之披肩青爲第二若珠頂上只有一點青不能蓋頂者謂之鬼眼睛不爲奇也看大珠身分顏色節病訣所看北珠身分須是帶圓只用竅眼其珠子身分須是青白色綠色牽黃磁白骨色低樣

如粉白色左得如北珠身下有白搭搏或面上有牽字落  
及黃上青色者不中青上黃者尤得如直眼及竅眼身分  
上損破穴眼并改鑽三眼四眼者亦不中也且如買直鑽  
北珠只買肚兒高者且得謂如竅眼上尖乃忝頭下濶者  
謂之寶表亦名無篤珠子也如一頭大一頭小者謂之鼓  
槌中間一穴兩頭圓者謂之橫鑽亦不中也

看入匣珠子式須用絹帛蘸水突其面兒其絹帛不青乃  
真色有色僞者多用好青紙筒作捲兒突其珠兒有青色  
又有骨色油黃者用竹紙筒作捲兒韶粉在內突其珠子


粉白精身仔細矣

南北西湖珠式南珠兒看明亮精神撚圓淺紅色粉白不要油黃其價低次北珠兒看青要美披肩青轉身青迭四五分者價貴不蘆或鬼眼睛一點青也或粉白或磁色或腰勒或骨色或鼠頭蓮子身搭搏兒直鑽皆有褒彈西珠兒模樣小封頭先看積輕重有無圓者醜者發付較遲

金屑



生金





銀 屑


銀 生



金屑生益州銀屑生永昌陶隱居注云金之所生處處皆有梁益寧三州多有出水沙中作屑謂之生金而銀所出處亦與金同但皆生石中耳蘇恭以爲銀之與金生不同處金又出水中陳藏器云生金是毒蛇屎嘗見人取金掘地深丈餘至紛子石石皆一頭黑焦石下有金大者如指小猶若麻豆色如桑黃咬時極軟卽是真金麤金出水沙中墮上淘取或驚鴨腹中得之今注以陳說爲非是然今饒信南劍登州出金處採得金亦多端或有若山石狀者或有若米豆粒者若此類未經火皆可爲生金其銀在鑛

中則與銅相雜土人採得之必以鉛再三煎鍊方成故不得爲生銀也故下別有生銀條云出饒州樂平諸坑生銀鑛中狀如硬錫文理麤錯自然者真金坑中所得乃在土石中滲溜成條若絲髮狀土人謂之老翁鬚似此者極難得方書用生銀必得此乃真耳

珊瑚







珊瑚生南海注云又從波斯國及師子國來今廣州亦有  
云生海底作枝柯狀明潤如紅玉中多有孔亦有無孔者  
枝柯多者更難得採無時謹按海中經曰取珊瑚先作鐵  
網沉水底珊瑚貫中而生歲高三三尺有枝無葉因絞網

出之皆摧折在網中故難得完好者漢積翠池中有珊瑚高一丈一尺一本三枝上有四百六十三條云是南越王趙佗所獻夜有光景晉石崇家有珊瑚高六七尺今並不聞有此高大者

生鐵



鋼鐵



鐵 鏽




鐵落出牧羊平澤諸鐵不著所出今江南西蜀有爐冶處  
皆有鐵落者鍛家燒鐵砧上打落細皮屑俗呼爲鐵花是  
也初鏝去鏽用以鑄寫器物者爲生鐵再三銷拍可以作

鑠者爲鑠鐵亦謂之熟鐵以生柔相雜和用以作刀劍鋒  
刃者爲銅鐵鍛竈中飛出如塵紫色而輕虛可以瑩磨銅  
器者爲鐵精作針家磨鑢細末謂之針砂取諸鐵於器中  
水浸之經久色青沫出可以染皂者爲鐵漿以鐵拍作片  
段置醋槽中積久衣生刮取之爲鐵華粉入火飛鍊者爲  
鐵粉作鐵華粉自有法文多不載諸鐵無正入丸散者惟  
煑汁用之華粉則研治極細合和諸藥又馬御秤鑄車轄  
及柞鋸等皆燒以淬酒用之刀斧刃磨水作藥使並格用  
有效故載之



# 白 羊 石



白羊石生兗州白羊山味淡其性熱用即大熱生用即涼  
解衆藥毒春中掘地採之以白瑩者爲良

鉛



錫



鉛生蜀郡平澤錫生桂陽山谷今有銀坑處皆有之而臨  
賀出錫尤盛亦謂之白鑠鉛丹黃丹也粉錫胡粉也二物  
並是化鉛所作故附於鉛鏡雖銅而皆用錫雜之乃能用  
白故鏡鼻附於錫謹按字書謂錫爲鑠鉛爲青金雖相似  
而入用殊別也又有鉛霜亦出於鉛其法以鉛雜水銀十  
五分之一合煉作片置醋瓮中密封經久成霜亦謂之鉛  
白霜性極冷入治風痰及嬰孺驚滯藥今醫密用之尤多  
凡鑄銅之物多和以錫考工記攻金之工金有六齊是也  
凡藥用銅磬牙古文錢之類皆以有錫故其用亦近之又

鉛灰治瘰癧劉禹錫著其法云取鉛三兩鐵器中熬之久  
當有脚如黑灰取此灰和醋塗瘰癧子上仍以舊帛貼之數  
數去帛抵惡汁又貼如此半月許亦不痛不破不作瘡

青琅玕



青琅玕生蜀郡平澤蘇恭注云琅玕乃有數種是瑠璃之

類火齊寶也琅玕五色具以青者入藥爲勝出雋音白州

以西烏白蠻中及于閩國也今秘書中有異魚圖載琅玕

青色生海中云海人於海底以網挂得之初出水紅色久

而青黑枝柯似珊瑚而上有孔竅如虫涎擊之有金石之


聲乃與珊瑚相類其說不同人莫能的識謹按尚書禹貢

雍州厥貢璆琳琅玕爾雅云西北之美者有崑崙墟之璆

琳琅玕焉孔安國郭璞皆以爲石之似珠者古人謂石之

美者多謂之珠廣雅謂瑠璃珊瑚皆爲珠是也故本經一名青珠

砂 丹



丹砂出辰州宜州階州而辰州者最勝謂之辰砂生深山  
石崖間土人採之穴地數十尺始見其苗乃白石耳謂之  
朱砂牀砂生石上其塊大者如雞子小者如石榴子狀若  
芙蓉頭箭鏃連牀者紫黯若鐵色而光明瑩澈碎之蘄巖

作牆壁又似雲母片可析者真辰砂也無石者彌佳過此皆淘土石中得之非生於石牀者陶隱居注謂出武陵西川諸蠻中今辰州乃武陵故地雖號辰砂而州境所出殊少往往在蠻界中溪叙錦川得之殆不曉武陵之西川耳宜砂絕有大塊者碎之亦作牆壁但罕有類物狀而色亦深赤爲不及辰砂蓋出土石間非白石牀所生也然階州階砂又次多不堪入藥惟可畫色耳凡砂之絕好者爲光明砂其次謂之顯塊其次謂之鹿藹其下謂之末砂

空

青



空青生益州山谷及越雋山有銅處銅精薰則生空青今  
信州亦時有之其腹中空破之有漿者絕難得亦有次者  
如鷄子小者如豆子採亦無時




青 魯



曾青所出與此同山形體頗相似而色理亦無異但其形  
疊繁如連珠相綴今極難得

水銀朱砂






煨水銀爐




水銀生符陵平土今出秦州商州道州邵武軍而秦州乃  
 來自西羌界經云出於丹砂者乃是山石中採麓次朱砂  
 作爐置砂於中下承以水上覆以盆器外加火煨養則煙  
 飛於上水銀溜於下其色小白而濁

自然銅




自然銅生邕州山巖中出銅處今信州火山軍皆有之於  
銅坑中及石間採之方圓不定其色青黃如銅不從鑛鍊  
故號自然銅今信州出一種如亂銅絲狀云在銅鑛中山  
氣熏蒸自然流出亦若生銀如老翁鬚之類入藥最好

玉




屑 玉



玉生藍田山谷玉屑生藍田陶隱居注云好玉出藍田及  
南陽徐善亭部界中日南盧容水中外國于闐踈勒諸處  
皆善今藍田南陽日南不聞有玉惟玉河在于闐城外其  
源出崑崙<sup>崙</sup>山<sup>崙</sup>西流一千三百里至于闐界牛頭山乃疏爲三


河一曰白玉河在城東三十里二曰綠玉河在城西二十里三曰烏玉河在綠玉河西七里其源雖一而其玉隨地而變故其色不同每歲五六月大水暴漲則玉隨流而至玉之多寡由水之大小七八月水退乃可取彼人謂之撈玉其國之法官未採玉禁人輒至河濱者故其國中需用服飾徃徃用玉今中國所有多自彼來耳陶隱居云玉泉是玉之精華白者質色明澈可消之爲水故名玉泉世人無復的識者惟通呼爲玉爾玉屑是以玉爲屑非應別是一物

石 綠



綠青今謂之石綠生益州山谷及越嶲山有銅處其色青  
白即畫工綠色者極有大塊其中青白花文可愛信州人  
用琢爲腰帶環及婦人服飾其入藥者當用顆塊如乳香  
不挾石者佳

長石



長石生長于山谷及泰山臨淄今惟潞州有之文如馬齒  
方而潤澤玉色此石頗似石膏但厚大縱理而長爲別耳  
採無時謹按本經理石長石二物二條其味與功效亦別  
又云理石如石膏順理而細陶隱居云理石亦呼爲長理  
石蘇恭云理石皮黃赤肉白作針理不似石膏

雄 黃



水 窟  
雄 黃



雄黃生武都山谷燉煌山之陽今階州山中有之形塊如  
丹砂明澈不挾石其色如鷄冠者爲真青黑色而堅者

名氣

訓音


黃有形色似真而氣臭者名臭黃並不入服食

藥只可療瘡疥耳其臭以醋洗之便可斷

氣足以亂真用  
之尤宜細辨



雌黃



雌黃生武都山谷與雄黃同山其陰山有金金精熏則生  
雄黃今出階州以其色如金又似雲母甲錯可析者爲佳  
其夾石及黑如鐵色者不可用或云一塊重四兩者析之  
可得千重此尤奇好也採無時

雲 母




江 州  
雲 母



雲母生泰山山谷齊廬山及琅邪北定山石間今兗州雲  
夢山及江州濠州杭越間亦有之生土石間作片成層可  
析明滑光白者爲上江南生者多青黑色不堪入藥二月  
採其片絕有大而瑩潔者今人或以飾燈籠亦古

屏扇之  
遺事也



石鍾乳



石鍾乳生少室山谷及泰山今道州江華縣及連英韶階  
峽州山中皆有之生品穴陰處溜山液而成空中相通長  
者六七寸如鷺翎管狀碎之如爪甲中無應齒光明者善  
色白微紅採無時舊說乳有三種有石鍾乳者其山半石

以石津相滋狀如蟬翼爲石乳石乳性溫有竹乳者其山  
多生篁竹以竹津相滋乳如竹狀謂之竹乳竹乳性平有  
茅山之乳者其山土石相雜徧生茅草以茅津相滋乳色  
稍黑而滑潤謂之茅山之乳茅山之乳性微寒凡此二種  
尤難識別

# 石 礬



礬石生河西山谷及隴西武都石門今白礬則晉州慈州  
 無爲軍綠礬則隰州溫泉縣池州銅陵縣並煎礬處出焉  
 初生皆石也採得碎之煎鍊乃成礬凡有五種其色各異  
 謂白礬綠礬黃礬黑礬絳礬也白礬則入藥及染人所用


者綠礬亦入咽喉口齒藥及染色黃礬丹竈家所須時亦  
入藥黑礬惟出西戎亦謂之皂礬染髮藥或用之絳礬  
本來綠色亦謂之石膽燒之赤色故有絳名今亦稀見

黑羊石



黑羊石生兗州宮山之西味淡性熱解藥毒春中掘地採  
之以黑色有墻壁光瑩者爲上

消石




朴消消石生益州山谷及武都隴西西羌芒消生於朴消  
今南北皆有之而以西川者爲佳舊說二物同種初採得  
其苗以水淋取汁煎鍊而成乃朴消也一名消石朴以消  
石出於其中又鍊朴消或地霜而成堅白如石者乃消石

也一名芒消又取朴消以煖水淋汁銚之減半投於盆中  
經宿而又細芒生乃芒消也雖一體異名而修鍊之法既  
殊則主治之功別矣然本經各載所出疑是二種而今醫  
方家所用亦不復能究其所來但以未鍊成塊微青色者  
爲朴消鍊成盆中上有芒者爲芒消亦謂之盆消其芒消  
底聲疑者爲消石朴消力緊芒消次之消石更緩




滑 石





滑石有一種道永州出者白滑如凝脂萊溪州出者理麗  
質青有白黑點亦謂之斑石一種皆可作器用甚精好初  
出軟萌如泥久漸堅強彼人皆就穴中乘其軟時制

石 膽




石膽真者出蒲州虞鄉縣東亭谷窟有塊如雞卵者爲真  
擊之縱橫解皆成疊文色青見風文則綠擊破其中亦青  
也其次出上饒曲江銅坑間者粒細有庶稜如釵股米粒

禹餘糧







禹餘糧生東海池澤及山島中今惟澤潞州有之全是山石之形又有太一餘糧其殼石薨初在殼中未凝結者猶是黃水久凝乃有數色或青或白或赤或黃年多漸變紫色自赤及紫俱名太一其諸色通謂之餘糧也

白 石 英



白石英生澤州者爲勝長而白澤明澈有光六面如削者可用長五六七寸者彌佳其黃色如金在端者名黃石英赤端白後者名赤石英青端赤後者名青石英黑澤而有光者名黑石英服食惟白石英爲重

紫石英



紫石英生泰山山谷今嶺南及會稽山中亦有之謹按吳  
普本草云紫石英生泰山及會稽欲令如削紫色達頭如  
樗蒲者陶隱居云泰山石色重澈下有根最佳會稽石形  
色如石榴子最下先時並雜用今惟用泰山石

# 赤石脂




赤石出脂潞州以色理鮮膩者爲勝千金翼論曰治痰飲其  
水無時節者其源以冷飲過度遂令脾胃氣羸不能消於  
飲食飲食入胃則皆變成冷水反吐不停皆赤石脂散主  
之

白石脂



白石脂生潞州五色石脂舊經同一條並生南山之陽山谷中主治並同後人各分之所出既殊功用亦別用之當依後條然今惟用赤白二種餘不復識者


無名異



無名異出大食國生於石上今廣州山石中及宜州南八里龍濟山中亦有之黑褐色大者如彈丸小者如黑石子主金瘡折傷內損生肌肉又有草無名異不甚貴重用時以醋磨塗傳所苦處




石中黃子




石中黃子本經不載所生州土云出禹餘糧處有之今惟  
出河中府中條山谷內舊說是餘糧殼中未成餘糧黃濁  
水今云其石形如麵劑紫黑色石皮內黃色者謂之中黃  
兩說小異

# 石硫黃



石硫黃生東海牧羊山谷中及泰山河西山礬石液也今  
惟出南海諸蕃嶺外州郡或有而不甚佳以色如鷺子初  
出殼者爲真謂之崑崙黃其赤色者名石亭脂青色者號  
冬結石半白半黑名神驚石並不堪入藥

石膏石



石膏生齊山山谷及齊廬山魯蒙山今汾孟號耀州與元府亦有之生於山石上色至瑩白其黃者不堪



入解石舊

出下品本經云生方山陶隱居以爲長石一名方石療體

相似疑是一物蘇恭云療熱不減

石膏若然似可通用但王頂風不及石膏也云


石 磁



磁石生泰山山谷及慈山山陰有鐵處則生其出慈州者  
歲貢最佳能吸鐵塵連十數針或一二斤刀需回轉不落  
者尤真其石中有孔孔中黃赤色其上有細毛性溫功用  
更勝


玄

石





玄石生泰山之陽山陰有銅銅者雌鐵者雄王療頗亦相  
近而寒溫銅鐵似磁石中無孔光澤純黑者其功劣於磁  
石又不能懸針今北蕃以磁石作禮物其塊多光澤又吸  
針無力疑是此石醫方罕用

陽起石




陽起石生齊山山谷今齊州城西惟一土山石出其中彼  
人謂之陽起山其山常有溫暖氣雖盛冬大雪徧境獨此  
山無積白蓋石氣熏蒸然使然也以色白肌理瑩明若琅玕  
者爲上

# 凝水石



凝水石即寒水石也生常山山谷又出中水縣及邯鄲今河東汾隰州及德順軍亦有之有縱理者有橫理者色清明如雲母可析投置水中與水同色其水凝動者爲佳或曰縱理者爲寒水石橫理者爲凝水石


石 璘



石璘出南海今嶺南近海州郡皆有之體質石也而都與  
蟹相似或云是海蟹多年水沫相著化而爲石每海潮風  
飄出爲人所得又一種入洞穴年深者亦然醋磨腫癰傳  
亦解金石毒採無時




蜜陀僧





出波斯國今嶺南閩中亦有之是銀鉛脚其初採礪時銀銅相雜先以鉛同煎鍊銀隨鉛出又開地作爐填灰其中謂之灰池置銀鉛於灰上更加火大鍛鉛滲灰下銀住灰上罷火候冷出銀其灰池感鉛銀氣置之積久成此物

石花桃




桃花石出申州鍾山縣今信州亦有之形塊似赤石脂紫  
石英華其色似桃花光潤而體重以舐之不著舌者爲佳  
久服肥人主人亦以療痢

太陰玄精




太陰玄精出解縣今解池及通秦州積鹽倉中亦有之其  
色青白龜背者佳採無時解池又有鹽精味更鹹苦青黑  
色大者三二寸形似鐵鐮甬三月四月採亦主除風冷無  
毒又名泥精蓋玄精之類也

石 蛇




石蛇出南海水傍山石間其形盤屈如蛇也無首尾內空  
紅紫色又似車螺不知何物所化大抵與石蟹同類功用  
亦相近尤能解金石毒以左盤者良採無時味鹹性平無  
毒

石 礬





礬石生漢中山谷及少室今潞州亦有焉性大熱置水  
令水不冰又堅而拒火燒之一日夕但解散而不奪其堅  
市人多取潔白石當之燒即爲灰也此藥攻擊積聚痼冷  
之病爲良用之須真者乃佳

砒霜



砒霜惟信州者佳其塊甚有大者色如鵝子黃明澈不雜此類本處自是難得之物每一兩大塊真者人競珍之市之不啻金價其市肆所蓄如細屑亦夾土石入藥服之爲害不淺誤中鮮之用冷研盡且漿飲之乃無害也

礪 砂



礪砂出西戎今西令夏國及礪東陝西近邈州郡亦有之  
然西戎來者顆塊光明大者有如拳重三五兩小者如指  
向此本治積聚之物熱而有毒多食腐壞人腸胃生用又  
能化人心爲血固非平居可餌者

石 鷺



石鷺出零陵郡今永州祁陽縣江傍沙灘上有之形似鷺而小其實石也或云生山洞中因雷雨則飛出墮於沙上而化爲石今人以催生令產婦兩手各握一枚須臾子即下採無時




金 牙



金牙生蜀郡合雍州亦有之本經以如金色者良而此物  
出於溪谷在蜀漢江岸石間打出者內即金色岸摧入水  
年久者多黑葛洪治風毒厥有大小金牙酒但浸其汁而  
飲之

金星石




銀星石




金星石生并州濠州寒無毒主脾肺壅毒及肺損出血嗽  
血下熱洳解衆毒又有一種銀星石體性亦相似採無時

薑 石





鹿 黃 石




薑石生土石間齊州歷城東者良所在亦有今惟出齊州  
其狀如薑有五種用色白者以爛而不礮者好採無時崔  
氏療丁腫單用白薑石末和雞子清傅之丁自出乳難塗  
之亦善

# 花乳石



花乳石出陝州閿鄉縣體至堅重色如硫黃形塊有極大者人用琢器古方未有用者近世以合硫黃同鍛研末傳金瘡其効如神又人倉卒中金刃不及鍛合但刮石上取細末傳之亦効採無時

不灰木




不灰木出上黨今澤潞山中皆有之蓋石類也其色青白如爛木亦名無灰木採無時今處州山中出一種松石如松幹而實石也或云松久化爲石人家多取以飾山亭及琢爲枕雖不入藥然與不灰木相類故附之

錢圖上


正用品

虞錢




史記平準書曰虞夏之幣金爲三品或黃或白或赤或錢或布或刀或龜貝

夏錢




管子曰禹五年水民之無糧賣子者禹以歷山之金鑄幣以贖之

商錢



管子曰湯七年旱民之無糧賣子者湯以莊山之金鑄幣贖之

周錢




前漢食貨志曰太公爲周立九府圜法錢  
圜函方輕重以銖

景王錢 齊錢




國語曰景王二十一年將鑄大錢單穆公  
曰不可王弗聽卒鑄之




前漢食貨志曰太公爲周立九府圜法退  
又行之于齊至管仲相桓公通輕重之權遂顯伯名

晉錢




呂氏春秋曰趙宣孟見鬻桑之下有餓人下車爲之食與錢百而遂去之

楚錢



史記循吏傳曰孫叔敖爲楚相莊王以爲幣輕更以小爲大百姓不便相言之王復如故王許之

趙錢



史記蘇秦傳曰秦自趙之燕貸人百錢爲資



秦半兩錢 英錢



前漢食貨志曰秦兼天下銅錢質如周錢  
文曰半兩重如其文



史記平準書曰漢興更鑄錢孝文時英錢  
益輕

八銖錢 四銖錢 三銖錢



前漢高后紀曰二年行八銖錢 顧烜曰  
高后時既患英錢之輕又苦秦錢之重故  
更鑄八銖錢



前漢文帝紀曰五年夏四月除盜鑄令更  
造四銖錢



前漢武帝紀曰建元元年春二月行三銖  
錢

半兩錢 五銖錢 鍾官赤側錢



前漢武帝紀曰建元五年罷三銖錢行半兩錢



前漢武帝紀曰元狩五年罷半兩錢行五銖錢




史記平準書曰武帝鑄五銖錢郡國多姦鑄錢錢多輕而公卿請令京師鑄鍾官赤側一當五

三官錢



史記平準書曰武帝鑄鍾官赤側錢用之  
不便專令上林三官鑄錢令天下非三官  
錢不得行

四出文錢



靈帝紀曰中平三年鑄四出文錢 獻帝春秋曰靈帝作  
角錢錢猶五銖而有四道連於邊輪識者以爲妖徵

直

百

錢



顧烜曰漢獻帝建安十九年劉備鑄

直百

五銖

錢



隋書食貨志曰梁武帝鑄五銖女錢二品並行百姓或私以古錢交易有直百五銖 顧烜曰徑一寸一分重八銖文曰五銖直百

傳形

五銖

錢

一當

五百

錢

當

千

錢



顧烜曰劉備鑄直百錢傳形五銖今所謂蜀錢即傳形五銖也



吳志曰孫權嘉禾五年春鑄大錢一當五百



吳志曰孫權赤烏元年鑄當千大銖江表傳孫權赤烏九年詔曰謝宏往日陳鑄大錢云以廣貨故聽之今聞民意不便其省息之鑄爲器物勿復出也


四銖錢



宋書文帝紀曰元嘉七年冬十月戊午立錢署鑄四銖錢

當兩

大錢



宋書文帝紀曰元嘉二十四年六月以貨貴制大錢一當兩明年五月己卯罷


孝建錢



宋書世祖紀曰孝建元年春正月壬戌更鑄四銖錢  
峻傳曰世祖卽位鑄孝建四銖



二銖錢景和錢鵝眼錢



宋書前廢帝紀曰永光元年春二月庚寅鑄  
二銖錢三月甲辰罷




顧烜曰宋中廢帝景和元年鑄重二銖文曰  
景和其年還用古錢



顧烜曰宋中廢帝景和元年鑄大如鵝眼壞  
謂鵝眼錢以綫貫之投水中不沉隨手碎壞  
不可料數

五銖錢



隋書食貨志曰梁初武帝鑄錢肉好周郭文曰五銖重如其文

公式



隋書食貨志曰梁武帝又別鑄五銖除其肉郭謂之女錢

女錢

五銖

鐵錢



梁書武帝紀曰普通四年冬十二月戊午始鑄鐵錢

大 吉 錢 大 通 錢 大 富 錢



顧烜曰普通四年鑄大吉鐵錢大小輕重如  
銖文曰五銖大吉背文四出




顧烜曰普通四年鑄大通鐵錢大小輕重如  
五銖文曰五銖大通背文四出



顧烜曰普通四年鑄大富鐵錢大小輕重如  
五銖大富背文四出


當十錢 四柱錢 五銖錢



北史姚僧坦傳曰梁元帝時初鑄錢 當十  
賜僧坦十萬貫實百萬也



梁書敬帝紀曰太平二年夏四月己卯鑄四  
銖錢一准二十壬辰改一准十丙申復閉細  
錢



陳書文帝紀曰天嘉三年閏二月甲子改鑄  
五銖錢 隋書食貨志曰初出一當鵝眼之  
十

大貨

六銖



陳書宣帝紀曰太建十一年秋七月辛卯初用大貨六銖錢

太和

五銖




後魏食貨志曰高祖始詔天下用錢十九年公鑄粗備文曰太和五銖

錢

永安

五銖



後魏食貨志曰孝莊永安二年秋詔改鑄文曰永安五銖

錢

永安

土字



面文永安五銖幕文有一土字徑九分重二銖四參銅色純赤輪潤皆夷計後魏所鑄

五銖

錢

永安

五銖

錢

永安




北史西魏文帝大統六年二月鑄五銖錢十二年三月鑄五銖錢舊譜曰以赤銅鑄



隋書曰齊承魏用體制漸別有雍州青赤梁州生厚紫錢吉錢河陽生澀天佐赤牽之稱

常平 五銖 錢 布 泉 錢 大 布 錢



北史齊文宣帝紀曰天保四年春正月己丑  
鑄新錢文曰常平五銖



後周書武帝紀曰保定元年秋七月更鑄錢  
文曰布泉以一當五與五銖並行建德五年  
春正月廢



後周書武帝紀曰建德三年六月壬子更鑄  
五行大布錢以一當十與布泉並行四年秋  
七月己未禁不得出入關布泉聽入而不出


永通

萬國


錢

白錢

開元錢



後周書宣帝紀曰大象元年十一月丁巳初鑄永通萬國錢以一當十與五行大布並行



隋書食貨志曰高祖受周禪以天下錢貨輕重不等乃更鑄新錢背面肉好皆有周郭文曰五銖重如其文每一千重四斤二兩





新唐書食貨志曰高祖入長安民間行綾環錢其製輕小凡八九萬纔滿半斛武德四年鑄開元通寶徑八分重二銖四參積十錢重一兩

乾封

錢



新唐書食貨志曰乾封元年改鑄乾封泉寶錢徑一寸重二銖六分以一當舊錢之十

乾元

十當



錢

唐書食貨志曰肅宗乾元年經費不給鑄錢使第五琦鑄乾元重寶錢徑一寸每緡重十斤以一當十亦號乾元十當錢

重輪錢



唐書食貨志曰第五琦復命絳州諸鑪鑄重輪乾元錢徑一寸二分其文亦曰乾元重寶背之外郭重輪每緡重十二斤一當五十

小乾元錢



金光襲曰乾元二年新鑄小錢一當一

大曆錢



張台曰大曆是代宗年號計此時所鑄

開元大錢



徑寸二分重十二銖六參



建

錢






唐書食貨志曰建中初韓洄請復洛源廢監起十鑪鑄錢江淮多鉛錫錢判度支趙贊採蓮州白銅鑄大錢一當千以權輕重

新開元



錢背文



唐書食貨志曰武帝許諸道皆得置錢坊淮南節度使李紳請天下以州名鑄錢京師爲京錢大小徑寸如開元通寶

咸通

錢



舊譜曰唐咸通十一年桂陽監鑄錢官王彤  
進新鑄錢文曰咸通玄寶尋有勅停廢不行

天成

錢



宋白續通典曰天成元年十二月勅中外所  
使銅錢內鐵鑄錢即宜毀弃不得行使二年  
八月禁銷銅錢四年禁鐵鑄錢

天福

錢




又曰晉天福三年鑄錢以天福元寶爲文左  
環讀之委監鐵司鑄樣頒下諸道令每一錢  
重二銖四參十錢重一兩

漢通錢 周通錢



又曰漢乾祐元年四月膳部郎中羅周裔上言請在京置錢監俾銅盡為錢以濟軍用



五代史周紀論曰世宗即位之明年廢天下佛寺三千三百三十六是時國中乏錢乃詔毀天下銅佛以鑄錢